

**Klausula Administratibo Berezien Plegua / Pliego de Cláusulas Administrativas
Particulares
(EZAUGARRIEN KOADROA / CUADRO DE CARACTERÍSTICAS)**

KONTRATUAREN XEDEA / OBJETO DEL CONTRATO	Nomenklatura /Nomenclatura
Oiartzungo Udalaren "KAUSUA" izeneko 2.063.2 zk. herri onurako mendiko 11. eta 15. unadetan egurra erabateko ustiaketa bitartez moztea / Aprovechamiento de madera mediante corta a hecho de los rodales 11 y 15 del monte de utilidad pública nº 2.063.2 "KAUSUA", perteneciente al Ayuntamiento de Oiartzun.	CPA 2008 02.10.30.

PREZIOAK/PRECIOS

<u>LIZITAZIOAREN OINARRIZKO PREZIOA/ PRECIO BASE DE LICITACIÓN:</u>	<u>PREZIO INDIZEA / PRECIO ÍNDICE:</u>
Guztira / Total : 33.300 € (BEZ bane / IVA incluido)	Guztira / Total : 41.625 € (BEZ bane / IVA incluido)

BURUTZE EPEA / PLAZO DE EJECUCIÓN

SEI (6) hilabete gozamen lizentzia lortzen denetik / SEIS (6) meses desde la obtención de la licencia de disfrute.

ALDAERAK EDO HAUTABIDEAK / VARIANTES O ALTERNATIVAS

Ez dira onartzen / No se admiten.

BEHIN-BEHINEKO BERMEA / GARANTÍA PROVISIONAL

Ez da eskatzen / No se pide

BEHIN-BETIKO BERMEA / GARANTÍA DEFINITIVA

Esleipen prezioaren %5a / 5% del precio de adjudicación.

KLAUSULA ADMINISTRATIBOEN BEREZIEN PLEGUA

Oiartzungo Udalaren “KAUSUA” izeneko 2.063.2 zk. herri onurako mendiko 11. eta 15. unadetan egurra erabateko ustiaketa bitartez moztea

1.- KONTRATUAREN XEDEA

Plegu honen xedea, aipaturiko egur ustiaketaren kontratua arautuko duten baldintza administratiboak zehaztea da. Kontratuaren gaiaren kodea, CPA-2008 nomenklaturaren arabera: 02.10.30.

Aipatutako aprobetxamendua baldintza teknikoen pleguan zehaztu da.

2.- AURREKONTUA

Baldintza teknikoen pleguko 3. puntuan zehaztu da kontratu honen xederako tasazioa.

Eskaintzaileek beraien eskaintzetan plegu honen hasierako koadroan ezarritako oinarri prezioa berdindu edo hobetu behar dute.

Kontratuaren prezioa esleipenean ezarritakoa izango da, BEZaren zenbatekoa barne partida bereiztuan.

Bestelako zerga, tasa edo kanonak kontratuaren prezio barnekotzat joko dira, baita kontratuan esleipendunari ezarritako betebeharrak eragindako gastu guztiak ere.

3.- PREZIOAK BERRIKUSTEA

Plegu honetan ezarritako ustiapenaren kontratazioan esleipendunak ez du izango prezioak berrikusteko eskubiderik.

4.- KONTRATUA GAUZATZEKO EPEA

Plegu honetan bertan datorren ezaugarrien koadroan adierazitakoa da kontratua gauzatzeko gehieneko epea, SEI (6) hilabete gozamen lizentzia lortzen denetik, Gipuzkoako Foru Aldundiko Landa Ingurunearen Garapeneko Departamentuak emanda.

Kontratista berandutze-egoeran jarri dela jakiteko, administrazioak ez dauka aurrez agindeirik egin beharrik. Berandutzeak eragin ditzakeen zigorrak automatikoki ezar ditzake kontratazio organoak. Baldin eta kontratista, berari egotz dakizkiokeen kausak direla eta, azken epea edo epe partzialak betetzeko orduan berandutze-egoeran jarri bada, administrazioak aukeran izango du, SPKLren 196 artikuluaen arabera, edo kontratua suntsiaraztea, behin betiko bermea galduz, edo aipatu artikuluko zigorrak ezartzea.

Berandutze egoera kontratistari ezin egotz dakizkiokeen kausengatik izango balitz SPKLaren 197.2 artikulua izango da aplikagarri.

Kontratua azkentzen da, epea betetzeaz gain, legeak ezarritako suntsiarazpen eta azkentze kausengatik eta, bereziki, plegu honetan ezarritako betebeharrak bete ez direlako.

Udalak kontratuari dagozkion lan eta eginkizunak geldiaraz ditzake enpresa esleipendunak osasun eta segurtasun neurriak bete ez dituelako, jokabide horren ondorioz langileei berehalako arrisku edo larritasunik sortuta. Horrelakoetan Lan eta Gizarte Segurantzaren Ikuskapenari eta interesatuei berri emango die, 1627/1997 Errege Dekretuaren 14. artikulua araberan.

Udalak kontratuari dagozkion lan eta eginkizunak geldiarazten baditu, enpresa esleipendunak laneko arriskuen arloko arauak bete ez dituelako, eta jokabide horren ondorioz langileen segurtasunerako berehalako arrisku edo larritasunik sortuko balitz, eta geldiarazte horren arrazoia kontratistari badagokio, kontratua betetzeko epea kontatzen jarraituko da, ezarritako gehienezko epeari begira. Horrela sortutako berandutzak kontratua bertan behera uztea ekar dezake, SPKLaren 196, 197 eta 206.d) artikuluen arabera..

5.- KONTRATUAREN ARAUBIDE JURIDIKOA

Kontratu hau Kontratu Administratibo Berezitzat sailkatu da; ondorioz, honako arauetara lotuko da:

- Bere arau bereziak eta plegu honetako klausulak.
- Urriaren 20ko 7/2006 Foru Araua, Gipuzkoako Mendiei buruzkoa, eta Mendiei buruz aplikagarri diren gainerako arauak.
- Urriaren 30ko 30/2007 Sektore Publikoko Kontratuen Legea, abuztuko 5eko 34/2010 Legean jasotako idazkeraren arabera, maiatzaren 8ko 817/2009 Sektore Publikoaren Kontratuen Legea partzialki garatzen duneta, eta 1098/2001 Errege Dekretua, urriaren 12koa, Herri Administrazioen Kontratuen Legearen Erregelamendua onesten duena, aurrekoei kontra egiten ez dien neurrian.
- Besterik ezean, Zuzenbide Administratiboan ematen diren gainerako arauak, eta Euskal Autonomi Erkidego edo Gipuzkoako Foru Aldundiko mailan kontratazioari buruz aplikagarri diren beste xedapenak.
- Besterik ezean, Zuzenbide Administratiboan ematen diren arau orokorrak eta, holakorik ez dagoenean, Zuzenbide Pribatuan ematen direnak.

Berebat, Baldintza tekniko eta fakultatibo Berezien eta Orokorraren Pleguetan xedatutako baldintza guztiak beteko dira, hurrenez hurren, 1975eko apirilaren 24ko Ebazpena (1975eko abuztuaren 21eko EAO, 200 zk., Erref. 1.675) eta 1975eko maiatzaren 6ko Ebazpena (1975eko abuztuaren 20ko EAO, 199 zk., Erref. 1672).

6.- KONTRATATZEKO JARDUNBIDEA

Kontratazio espedientearen IZAPIDEA ARRUNTA izango da eta lizitazio eta kontratu honen esleipena AKORDIOZKO PROZEDURA bidez egingo da, Sektore Publikoko Kontratuen Legearen 153 eta 162. artikuluetan ezarritakoarekin bat etorritik, testu horren 159 artikuluan jasotako kasua baita. Eta ez da beharrezkoa jendaurrean zabaltzea 161.2. artikuluekin adostasunean.

Udalak ekonomikoki proposamenik onuragarriena aurkeztu duenari esleitzeko dio kontratua, lizitazioa hutsik geratzen ez bada (pleguetan agertzen diren irizpideen arabera proposamen onartezina dagoenean).

Kontratua esleitzeko, parte-hartzaileekin negoziatuko den irizpide bakarra preziorik onuragarrienarena izango da. Horretarako akordiozko prozedura bi zatitan bereiziko da.

Lehenengo zatian, gonbidatutako enpresek aurkeztutako eskaintzak, beherakor ordenatuta klasifikatuko dira.

Bigarrenengo zatian, idatziz eta aldiberean, gonbidatutako enpresa bakoitzari lehenengo zatian lortutako klasifikazioaren berri emango zaie, eta bigarren eta behin-betiko eskaintza ekonomikoa eskatuko zaie (eskaintako eskaintza ekonomikoen hobetze edo berretsitzea).

Aurkeztutako eskaintzak berretsiak edo berriak jaso ondoren, enpresa eskaintzaile bakoitzak lortutako behin-betiko klasifikazioa egingo da.

Proposamen bat baino gehiagok puntuazio berdina lortzen badute kaudimen teknikoa egiaztatzerakoan bere plantillan desgaitasuna duten langile iraunkor portzentai handiagoa duen enpresaren alde joko da, betiere portzentai hori %2a baino gehiago bada.

7.- KONTRATATZEKO GAITASUNA ETA KAUDIMENA

Zuzenbideko eta jarduteko gaitasuna duten pertsona fisiko zein juridikoen parte hartu ahal izango dute kontratazio-jardunbide horretan, baldin eta beren kaudimena eta fidagarritasun tekniko edo profesionala frogatzen badituzte, eta kontratatzeke debekuren bat ez badute, Sektore Publikoko Kontratuen Legearen 49. artikuluan adierazitako arrazoia direla eta. Kaudimena egiaztatzeke eta ebaluatzeke bideak 9. baldintzaren c) letran ezarritakoak izango dira.

Pertsona fisiko edo juridikoen beren kabuz edo baimendutako ordezkarien bitartez kontratatu ahal izango dute. Ordezkariak kontratatuz gero, berariaz emandako ahalorde askietsia erabili beharko dute. Pertsona juridiko baten ordezkari baten kideren bat azaltzen denean, ordezkari izateko ahalmena duela frogatu beharko du agiri bidez. Bi kasuetan ere, kontratatzeke gaitasunik eza dakarten arrazoia, gorago aipatutakoak, ordezkariari ere aplikatu behar zaizkio.

Enpresariak, gainera, kontratu hau burutzeko eska daitekeen gaitasun enpresarial edo profesionala izan beharko dute.

Enpresa esleipendunek estatutuen edo sorrerako araudiaren arabera berezko dituzten helburuak, xedea edo jarduera-esparrua kontratuaren prestazioarekin bat datorren eta hala egiaztatzen duten pertsona fisiko edo juridikoak izan behar dute. Halaber, kontratua betetzeko elementu pertsonal eta material nahiko dituen antolaketa izan behar dute.

“Baso ustiaketak” edo “Enborren zerraketa” izeneko enpresa kalifikazioko agiria, bat ala beste, aurkeztu beharko dute.

8.- BERMEAK

Eskaintzaileek ez dute behin behineko bermerik aurkeztu behar.

Ekonomikoki eskaintza abantailatsuena aurkeztu duen eskaintzaileak kontratazio organoaren esku esleipen prezioaren %5eko behin betiko bermea jarri behar du, BEZ kanpo, SPKLko 84. artikulua

aurrikusten duen moduetako baten. Bermea eskudirutan jartzen bada KUTXAREN 2101 0060 00 0000 89367 k/k-ean egin daiteke.

9.- PROPOSAMENAK: DOKUMENTAZIOA ETA PROPOSAMENAK

Proposamena aurkezteak berekin dakar enpresak baldintzarik gabe onartzea Baldintza Zehatzen Klausulen Plegua eta Baldintza Teknikoen Plegua horien eduki osoa, inolako salbuespenik edo erresalburik gabe.

Enpresa bakoitzak proposamen bakar bat baino ezingo du aurkeztu. Bere kontura proposamena aurkeztu duen eskaintzaileak ere ezingo du aldi bateko enpresa talderen batean aurkeztutako proposamenik sinatu, ez eta aldi bateko enpresa talde batean baino gehiagotan aurkeztu. Arau horietakoren bat urratzen denean atzera botako dira bere izena agertzen den proposamen guztiak.

Proposamenak **BI KARTAZAL ITXITAN, 1 ZK.DUNA ETA 2 ZK.DUNA** aurkeztuko dira. Kartazal bakoitzaren barruan, orri bereiztu batetan, dokumentuen zerrenda adieraziko da. Kartazaletan ondoren zerrendatuko diren dokumentuak sartuko dira:

1 ZK.DUN KARTAZALA: GAITASUNA ETA KAUDIMENA

1 ZK.dun kartazalean honako dokumentuak sartuko dira:

A) ENPRESAREN JARDUTEKO GAITASUN OSOA EGIAZTATZEN DUTEN DOKUMENTUAK ETA, HALA BALEGOKIO, BERE ORDEZKAPENA.

Jarduteko gaitasuna egiaztatzeko aurkeztuko dira:

- Eskaintzailea pertsona juridikoa izanez gero, eratze- edo aldaketa-eskritura aurkeztuko du, behar bezala inskribaturik Merkataritza Erregistroan, inskripzioa derrigorrezkoa baldin badu aplikatu behar zaion merkataritzako legeriaren arabera. Hala ez bada, eraketaren, estatutuen edo fundazio-egintzaren eskritura edo agiria aurkeztuko du jarduteko gaitasuna duela frogatzeko. Agiri hori erregistro ofizial egokian inskribaturik egongo da, hala behar denean, eta bertan agertuko dira eskaintzailearen jarduera zuzentzen duten arauak.
- Enpresaburua banakakoa balitz, NAN agiria edo bere ordezkariaren dokumentua.
- Kontratuaren objektua osatzen duen jarduera edo prestazioa gauzatzeko enpresa- edo lanbide-gaikuntza jakina behar denean, gaitasun profesionalaren baldintzak egiaztatzen dituen agiriaren konpulsatutako kopia.
- Eskaintzailea Espainiako enpresaria ez bada baina bai Europako Komunitateko estatu-kidea, edo Europako Eremu Ekonomikoko Akordioa sinatu duenetakoa, Herri Administrazioen Kontratuak Legearen Araudia Orokorraren 9. artikulua arabera egiaztatuko da (1098/2001 Errege Dekretua, Urriaren 12koa).
- Gainerako enpresa atzeritarren jarduteko gaitasuna Herri Administrazioen Kontratuak Legearen Araudia Orokorraren 10. artikulua arabera egiaztatuko da.
- Eskaintzaileak ez duenean bere burua aurkezten edo beste norbaiten izanean proposamenak sinatzen direnean NAN agiriaren kopia aurkeztu behar du, edo ordezkariaren ahalorde askiatsia duela aurkeztu. Ahalorde horrek ere Merkataritza Erregistroan behar bezala izena emandakoa behar du izan. Egintza zehatz baterako ahalordea balitz ez dago zertan Erregistroan izana eman beharrik.

B) Eskaintzaileak ERANTZUKIZUNPEKO BERARIAZKO AITORPENA aurkeztu behar du, Sektore Publikoko Kontratuen Legearen 49. artikuluan kontratatzeke ezarritako debekuetatik bat bera ere ez duela agertzeko. Aitorpen horretan berariaz adieraziko du ez duela ebazpen irmo bidez zigorrik jaso urratze oso larria dela eta lanerako osasun eta segurtasun arloan, kitaturik dituela zerga-betebeharrak eta Gizarte Segurantzarekikoak, Herri Administrazioen Kontratuetakoko Legearen Araudia Orokorraren 13 eta 14. artikuluen arabera, eta Ekonomi Jardueren gaineko Zergan, kontratuaren gaiari dagokion epigrafean hain zuzen ere, altan dagoela.

Zerga-betebeharrak eta Gizarte Segurantzarekikoak kitaturik dituela egiaztatzea errekerimendua jasotzen duenetik hamar egun baliodunetan egin behar da.

Ekonomi Jardueren gaineko Zergan altan dagoela frogatzeko, eskaintzaileak alta-agiria aurkeztuko du, uneko ekitaldian bertan hartua badu, edo EJZren azken ordainagiria, gainerako kasuetan. Beti ere, zerga horren matrikulan bajarik hartu ez izanaren erantzukizunpeko adierazpena erantsiko du.

C) KAUDIMENA

1) Ekonomia eta finantza kaudimena. Ekonomia-eta finantza-kaudimena modu hauetakoren bat edo gehiago erabiliz egiazta daiteke:

c.1.a.- Finantza-erakundearen adierazpen egokien bidez, edo, hala balegokio, lanbide-arriskuen kalte-ordainetarako aseguruak daukala egiaztatuz.

c.1.b.- Urteko kontuak Merkataritzako Erregistroan edo dagokion Erregistro ofizialean aurkeztuta. Kontuak Erregistro ofizialean aurkezteko beharrik ez duten enpresek, egiaztatzeke ordezko bide bezala, behar bezala legeztaturiko kontabilitate-liburuak aurkeztu ahal dituzte.

c.1.c.- Negozio-bolumen globalaren gaineko adierazpena eta, hala badagokio, kontratuaren objektuaren jardueraren esparruko negozio-bolumenaren gainekoa, gehienez ere azken hiru ekitaldiei buruzkoa, enpresaburuaren jardueren sortze- edo hasiera-egunaren arabera, betiere negozio-bolumen horri buruzko daturik dagoen neurrian.

Enpresaren batek, justifikatutako arrazoiak direla-eta, ezin baditu aurkeztu eskatutako erreferentzia horiek, baimena emango zaio kontratazio-organoak egoki irizten dion beste edozein agiriren bidez bere ekonomia- eta finantza-kaudimena egiazta dezan.

2) Kaudimen teknikoaren zuritzea. Kaudimen teknikoa honako moduan egiaztatuko da:

c.2.a.- Erantzukizunpeko berariazko aitorpena aurkeztuz: Enpresak urtean batez beste dituen giza baliabideak eta, egoki balitz, giza baliabideek enpleguan duten egonkortasun maila eta, hala nola, azken hiru urtetako zuzendari plantilla langileria, hala egiaztatzen duten dokumentuak erantsita.

c.2.b.- Eta modu hauetakoren bat edo gehiago erabiliz:

c.2.b.1.- Azken hiru urtetan egindako zerbitzu edo lan nagusien zerrenda aurkeztuko da, eta, bertan, zerbitzu edo lanen zenbatekoa, data eta hartzailea, publikoa zein pribatua, azalduko dira. Hartzailea sektore publikoko entitatea denean, egindako zerbitzuak edo lanak organo eskudunak emandako edo ikus-onetsitako ziurtagiriaren bidez egiaztatuko

dira, eta hartzailea pribatua denean, berak emandako ziurtagiri baten bidez, eta ziurtagiririk ez badago, enpresaren aitorten baten bidez. Agintari eskudunak zuzenean emango dio ziurtagiri horien berri kontratazio-organoari.

c.2.b.2.- Kontratuan parte hartzen duten langile teknikoak edo unitate teknikoak, enpresan integratuak edo ez, adieraziko dira, bereziki kalitate-kontrolaz arduratzen direnak.

c.2.b.3.- Enpresaren instalazio teknikoak, enpresak kalitatea bermatzeko hartutako neurriak, eta enpresak azterketa eta ikerketa egiteko dauzkan baliabideak adieraziko dira.

c.2.b.4.- Egin beharreko zerbitzuak edo lanak konplexuak direnean, edo, salbuespenezko kasuetan, helburu bereziren baterako direnean, kontratazio-organoak edo haren izenean enpresa kokatuta dagoen estatuko organismo ofizial nahiz homologatu eskudunen batek egindako kontrolaren bidez egiaztatuko da. Betiere, organismo horren adostasuna beharko da. Kontrol hori enpresaren gaitasun teknikoari buruzkoa izango da, eta, beharrezkoa bada, enpresak azterketa eta ikerketa egiteko dauzkan baliabideei buruzkoa, baita kalitatea kontrolatzeko erabilitako neurriei buruzkoa ere.

c.2.b.5.- Enpresen eta enpresako zuzendaritza-taldearen titulu akademikoak eta lanbide-tituluak aurkeztuko dira; bereziki, kontratua gauzatzeko erantzukizuna daukatenenak.

c.2.b.6.- Egoki ikusten denean, kontratua gauzatzean enpresak ingurumen-kudeaketarako aplikatu ahalko dituen neurriak adieraziko dira.

c.2.b.7.- Enpresak lanak edo zerbitzuak egiteko edukiko dituen makina, material eta teknikari-taldea azaltzeko adierazpena egingo da. Horrekin batera, egiaztatzeko behar diren agiri guztiak aurkeztu beharko dira.

D) Aldi baterako elkarteak aurkezten duenean proposamena enpresa bakoitzak gaitasun eta kaudimena egiaztatu behar du. Enpresen legezko ordezkari bakoitzak sinatutako dokumentua aurkeztu behar dute. Partaideen izenak eta inguruabarrak adierazi beharko dituzte, kontratuaren esleipena ematekotan aldi baterako elkarte bat formalki osatzeko konpromezua hartzen dutela, bakoitzak zenbateko partaidetza duen eta enpresa elkartearen izenean ordezkari edo ahaldun bakarra zein den administrazioaren aurrean jarduteko kontratua indarrean dagoen bitartean.

E) Lotutako enpresen kasuetan ez dagoela jasotzen duen aitortpena, Merkataritzako Kodearen 42.1 artikulua araberak, eta, hala balegokio, enpresa taldea osatzen duten enpresen zerrenda.

F) Atzerriko enpresek aitorten bat aurkeztuko dute, Espainiako edozein arlotako epaitegi eta auzitegien jurisdikzioaren menpe egongo direla adieraziz, kontratua gauzatzekoan zuzenean edo zeharka sor daitezkeen gertakizun guztietarako. Aitorten horretan, hala beharko balitz, aitortuko dute beraiei beren jatorriagatik legokiekeen jurisdikzioari uko egiten dietela.

G) Europar komunitateko partaide ez diren atzerriko enpresek Espainian ordezkari zabalik dutela eta Merkataritza Erregistroan izena eman dutela egiaztatu behar dute, ahalordedun edo ordezkaria izendatuz.

H) “BASO USTIAKETAK” EDO “ENBORREN ZERRAKETA” izeneko enpresa kalifikazioko egiaztapen agiria, bat ala beste.

I) POSTA ELEKTRONIKO HELBIDEA.

J) Hala balegokio, %2ko ezintasuna baino gehiago duten langileak dituela ziurtatzen duen BERARIAZKO AGIRIA.

K) Kartazal honetan dauden DOKUMENTU GUZTIEN ZERRENDA.

Enpresek aurkezten duten dokumentazioa euskaraz edo gaztelaniaz itzulita egongo da Herri Administrazioen Kontratueta Legaren Araudia Orokorren 23. artikulua araberera.

Kontratisten Erregistro Ofizialean izena emandako eskaintzaileek erregistroko arduradunak emandako ziurtagiriaren kopia konpultsatua aurkeztu ahal izango dute, aurreko a) puntuan eskatzen den dokumentazioaren ordez. Kontratatze gaitasuna egiaztatze ziurtagiria martxoaren 13ko 24/2001 Foru Dekretuak arautzen duenarekin bat lortu dutenek, Gipuzkoako Foru Aldundiko Kontuhartzailera eta Auditoretzako Zerbitzuak emandako ziurtagiri konpultsatua aurkeztu ahal izango dute ere aipatutako dokumentazioaren ordez.

Aipatutako dokumentazio guztia orijinal edo kopia konpultsatuta bidez aurkeztuko da, notarioak edo Administrazio eskudunak eginda.

2 ZK.DUN KARTAZALA: PROPOSAMEN EKONOMIKOA

Proposamen ekonomikoa plegu honetako I. ERANSKINEAN adierazten denaren arabera aurkeztuko da.

Proposamena enpresa talde batek aurkezten duenean guztiek sinatu beharko dute, zuzenean edo ordezkari bidez.

Dokumentu honetan jasotzen den zenbatekoan lanen kontratazio eta burutzeak eragindako edo eragingo dituen gastu guztiak barne daudela ulertzen da, eta zehazki:

- Esleipendunak egin beharreko gastuak kontratatutako prestazioa betetzeko, gastu orokorrak, finantzarioak, aseguruak, tasak, fidantzak, entseguak, garraio eta joan-etorriak, pertsonalaren ordainsari eta dietak; baita ere baimenak, lizentziak, dokumentuak edo erakunde eta partikularrek edozein informazio bidali eta jasotzeko behar direnak, plegu honetan jasotako gainerakoak eta, orokorrean, kontratuaren helburua betetzeko behar diren lan edo txostenak eskatzen dituztenak, hala nola egiaztapenerako ere.
- Zerga mota guztiak, BEZa barne eta kontratua indarrean dagoen bitartean eragin edo alda daitezkenak barne. Bildutako BEZa banakako partida moduan adieraziko da.

Aipatutako kontzeptu guztietatik bat ere ez ezin izango dira banakako partida bezala bildu.

10.- PROPOSAMENAK AURKEZTEA

Kontratazio honetarako gonbidapenak, gutxienez, kontratua gauzatzeko gai diren hiru enpresari bidaliko zaizkie, hori posible bada.

Kontratazio honen espedientea, bai eta horrekin batera doan dokumentazio teknikoa ere, honako lekuan, ordutegian eta epean aztertu ahal izango da:

LEKUA: OIartzungo Udalean, Done Eztebe plaza 1, 20180 OIARTZUN.

ORDUAK: 08:30 - 14:00.

EPEA: Egun baliodunetan, enpresek lehiaketa honetan parte hartzeko gonbidapena jaso eta hurrengo egunetik zenbatzen hasita, proposamenak aurkezteko epea bukatu arte.

Proposamenak aurretik adierazitako lekuan eta ordutegian aurkeztuko dira, euskaraz edo erderaz, 15 egun naturaleko epean enpresek lehiaketa honetan parte hartzeko gonbidapena jaso eta hurrengo egunetik zenbatzen hasita. Epeko azken eguna larunbata edo jaiegun balitz, proposamenak aurkezteko epea hurrengo egun baliodunera luzatzen dela ulertuko da.

Ez dira onartuko epe horretatik kanpo aurkezten diren proposamenak, nahiz eta postetxean epea amaitu baino lehen bidali. Dena dela, proposamena onartu egingo da baldin eta epe barruan bidali zela egiaztatzen bada. Horretarako, eskaintzaileak, proposamena bidaltzen duen egunean bertan, posta-egiaztagiria bidali beharko dio kontratazio-organoari telekopiaz, faxez, telegramaz edo posta elektronikoz. Bi baldintza horiek ez badira betetzen, proposamena ez da onartuko proposamenak aurkezteko epea amaitu ondoren jasotzen bada. Halaz ere, zehaztutako egun horren ondoren hamar egun natural igarotzen badira proposamena jaso gabe, proposamen hori ez da inola ere onartuko.

Proposamena aurkezteak, alde batetik, eskaintzaileak plegu honetako baldintzak eta gainontzeko kontratu-agiriak onartu dituela esan nahi du; eta bestetik erantzukizunpeko adierazpena egiten du kontratua egiteko eskatzen diren betekizun guztiak betetzen dituela esanez.

Kartazalak itxita eta sinatuta aurkeztuko dira, eta horien aurrealdean enpresa eskaintzailearen edo eskaintzaileen izena, helbide soziala, telefonoa, posta helbidea, faxa eta honako idazkia: **Oiartzungo Udalaren "KAUSUA" izeneko 2.063.2 zk. herri onurako mendiko 11. eta 15. unadetan egurra erabateko ustiaketa bitartez moztearen KONTRATAZIOA.**

Horrez gain, kartazal bakoitzean honako goiburuak idatziko dira:

- 1. KARTAZALA: GAITASUN ETA KAUDIMENA**
- 2. KARTAZALA: PROPOSAMEN EKONOMIKOA**

11.- ALDAERAK EDO HAUTABIDEAK

Ez dira onartuko.

12.- ESLEIPENA ETA KONTRATUAREN FORMALIZAZIOA

Esleipena hamabost eguneko epean egingo da, proposamenak ireki eta biharamunetik kontaktzen hasita.

Proposamenak ikusirik, eta, egoki denean, eskaintzaileekin negoziazioak egin ondoren, aurretiko teknikoaren txostenak eta ondorengo Batzordearen diktamina egin ondoren, espedientea kontratazio-organo eskudunari aurkeztuko zaio, aurkeztutako proposamenen klasifikazioa egin dezan.

Esandako klasifikazio hori egiteko plegu honetan ezarritako esleipen-irizpideak hartuko ditu kontuan.

Proposamen ekonomiko onuragarriena egin duen eskaintzaileak gehienez 10 laneguneko epea izango du, eskakizun hau jaso eta biharamunetik kontaktzen hasita, ondoren zehazten diren ziurtagiriak aurkezteko:

- a) Egiaztagiriak aurkeztu beharko ditu zerga-betebeharrak eta Gizarte Segurantzarekikoak beterik dituela frogatzeko, baldin eta ez baditu agiri horiek proposamenarekin batera aurkeztu.
- b) Ekonomi Jardueren gaineko Zergan altan dagoelaren froga, alta-agiria aurkeztuz, uneko ekitaldian bertan hartua badu, edo EJZren azken ordainagiria, gainerako kasuetan. Beti ere, zerga horren matrikulan bajarik hartu ez izanaren erantzukizunpeko adierazpena erantsiko du.
- c) Kontratua burutzeko beharrezkoak dituen bitartekoak eskuratzeko konpromisoa betetzen duela ziurtatzeko dokumentua ere, hala badagokio.
- d) Behin betiko bermea jarri eta egiaztatu.
- e) 328,25 euroko tasak ordaindu KUTXAKo 000316373-0 k/k-an Gipuzkoako Foru Aldundiari, "Mendi diru-sarrerak" izena emanez, eta ordainketa ziurtagiria aurkeztu.
- f) Aldi baterako elkartearen eratzeko eskriturak hala dagokionean.

Eskakizun hau aipatu epean eta behar bezala betetzen ez bada, eskaintzaileak bere eskaintza aurkezteari uko egiten diola ulertuko da eta, eskaintzen sailkapenari jarraiki, ondorengo eskaintzaileari eskatuko zaizkio agiri berdinak.

Kontratuaren esleipena ebazpenaren bidez erabakiko du kontratazio organoak, bertan kontratuaren behin-betiko baldintzak zehaztu eta finkatuko dira, eskatutako agiriak jasotzen diren egunetik 5 laneguneko epean. Ebazpen hori esleipendunari eta eskaintzaileei jakinaraziko zaie eta Oiartzungo Udaleko Kontratatuzailearen Profilean (www.oiartzun.org) argitaratuko da.

Nolanahi ere, baztertutako eskaintzaileek, igortzen zaien jakinarazpenean, esleipen erabakiaren aurka nahiko oinarri duen helegitea, hala balegokio, aurkezteko beharrezkoa den informazio guztia jaso beharko dute. Horiei eman beharreko informazioari dagokionez, SPKLko 137. artikuluan ezarritakoa aplikatuko da. Jakinarazpena hartzaileak jaso duela ziurtatzen duen edozein bitarteko erabiliko da erabakiaren jakinarazpena egiteko.

Eskaintzaileak esleipenaren jakinarazpena 135.4 artikuluan aurreikusitako moduan jasotzen duten egunetik kontaktzen hasita 15 laneguneko epean gehienez ere sinatu beharko du kontratua, Administrazioaren aurrean agertuz.

Kontratuak formalizazioaren bitartez indar juridikoa hartuko du.

Kontratuaren formalizazioa egiteko unean esleipendunak Klausula Administratibo Berezien Plegua, Baldintza Teknikoen Plegua eta kontratua osatzen duten beste dokumentuak ere sinatu behar ditu.

Esleipendunaren erruagatik kontratua formalizatu gabe geratzen bada, interesduna entzun eta gero, Administrazioak kalte-galerak eskatu ahal izango ditu.

Era berean, 7/2006 Foru Arauak, Gipuzkoako Mendiei buruzkoak, 51. artikuluan dioenari jarraikiz, esleipendunak ustiatzeko baimena eskuratu beharko du, eta, horretarako, 20 egun baino lehen, ondorengo agiri hauek aurkeztu behar ditu Gipuzkoako Foru Aldundiko Mendi Zerbitzura:

1. Esleipenaren zenbateko osoaren %20 ordaindu izanaren zurigarria (zurigarria Oiartzungo Udalari eskatuko zaio).
2. Tasak Kutxako 000316373-0 kontu korrontean ordaindu izanaren zurigarria (kontuaren titularra: Gipuzkoako Foru Aldundia. Nekazaritza. Mendietako Diru-Sarrerak).
3. Oiartzungo Udalean bermea eratu izanaren zurigarria.
4. Oiartzungo Udalak ezarritako baldintza ekonomikoak bete izanaren zurigarria.

13.- ORDAINTZEKO BALDINTZAK

1.- Esleipendunak esleipenaren balio osoa horrela ordainduko du:

Esleipenaren prezioaren %50 kontratua sinatzerakoan ordainduko da.

Gainontzeko %50, ustiapena bukatu eta gero, hilabete bateko epean ordainduko da.

Ordainketak KUTXAREN 2101 0060 00 0000 89367 k/k-ean egingo dira.

2.- Ordainketak egin baino lehen dagokion faktura bidaliko da.

14.- KONTRATUA BURUTZEA

Kontratua esleipendunaren gain eta kontura burutuko da hitzartutako epean.

Zerbitzuak egiterakoan, agiri honetan dauden baldintzak bete beharko dira, bai eta espedienteari erantsitako xehetasun teknikoak ere, halakorik egonez gero. Kontratua Administrazioaren zuzendaritza, ikuskapen eta kontrolaren pean burutuko da, eta Administrazioak idatziz nahiz ahoz erabili ahal izango ditu ahalmen horiek. Kontratua burutu eta interpretatzeko kontratazio organoak kontratistari aginduak eman ahal dizkio.

Esleipendunak lanen kalitate teknikoaren eta Administrazioari edo hirugarrenei eragindako ondorioen erantzukizuna du. Kontratistak kontratua burutzerakoan izan daitezkeen kalteak eragindako erantzukizunari aurre egiteko aseguru kontratua izan beharko du, kontratuaren burutze eta berme epetarako (luzapenak barne). Aseguru kontratua baduela egiaztatu beharko du edozein momentutan Administrazioak hala eskatuta. Egiaztatu ezean kontratua amaitutzat jotzeko arrazoia izango da.

Esleipendunari edo haren agindupekoei egotz dakiekeen egite edo ez-egiteren baten ondorioz, Administrazioak uste izaten badu kontratua behar bezala burutzea kolokan dagoela, kontratua behar bezala burutu dadin beharrezkotzat jotzen dituen neurriak har daitezela agindu ahal izango du.

Esleipendunak plegu teknikoek langileria, materiala, lanabesak eta ibilgailuekiko ezartzen dituzten obligazio eta baldintza guztiak bete beharko ditu. Lanak ekipo eta baliabide material egokiekin burutu beharko ditu.

Lanak burutzeko beharrezkoak diren lizentzia eta baimenak, eta horiek eragindako gastuak, kontratistaren kontura izango dira.

Kontratatik SPK Lan isiltasuna gordetzeari buruzko xedapenak errespetatu beharko ditu.

15.- ESLEIPENDUNAREN LAN-EGINKIZUNAK

Esleipendunak lanaren, Gizarte Segurantzaren eta laneko segurtasun eta higienezaren arloan indarrean dauden legezko xedapenak bete behar ditu, eta horiek betetzen dituela ziurtatzen duen dokumentazioa aurkeztu beharko du. Administrazioak ez du inolako erantzukizunik izango xedapen horiek betetzen ez badira.

Zehazki, Laneko Arriskuen Prebentziori buruzko azaroaren 8ko 31/1995 legean xedaturiko betekizun guztiak bete beharko ditu, eta maiatzaren 30eko 773/1997 Errege Dekretuan eta uztailaren 18ko 1215/1997 Errege Dekretuan ezarritakoak ere. Kontratistaren erantzukizuna izango da lan istripuen inguruko dena.

16.- KONTRATUA EZ BETETZEAREN ONDORIOZKO PENALIZAZIOAK

Lanak hasi, burutu eta bukatu plegu honen ezaugarri koadroan ezarritako epetan egin behar dira.

Administrazioak berariaz eta behar bezala motibatuz beste ezer adierazten ez badu, lanak Gipuzkoako Foru Aldundiko Landa Ingurunearen Garapeneko Departamentuak emandako gozamen lizentzia ematen denean hasiko dira.

a).- Kontratua gauzatzeko epeak ez betetzea.

Kontratatik, berari egotzitako arrazoiengatik, zerbitzu kontratua gauzatzeko epea, bai epe osoa bai epe partzialak, beteko ez balitu, Udalak kontratua etetea erabaki dezake, kontratatik jarritako bermea galduko duelarik, edo bestela, eguneko zehapenak jarriko dizkio enpresariari, kontratu prezioaren 1.000€ bakoitzeko 0,20ko proportzioan.

Berandutzearen ondorioz jarritako zigorrak kontratuaren prezioaren %5eko multiplo baten mailara iristen diren bakoitzean, Udalak hauta dezake hori eten edo kontratuaren gauzatzea jarraitzea zigor berriak jarritz.

b).- Kontratuaren burutze partziala ez betetzea.

Kontratatik, berari egotzitako arrazoiengatik, kontratuan zehaztutako zerbitzuen burutze partziala bete ez balu, Administrazioak kontratua etetea erabaki dezake, edo enpresariari kontratuaren prezioaren 1.000€ bakoitzeko 0,20ko proportzioko eguneko zehapena jartzea.

17.- ESLEIPENDUNAREN ERANTZUKIZUNA KONTRATUA BURUTZERAKOAN BESTE BATZUEI KALTEAK ERAGITEN BADIZKIE

Esleipendunaren ardura da kontratuaren eragiketen ondorioz sor litezkeen kalteak eta galerak bere gain hartzea, Sektore Publikoko Kontratuen Legearen 198. artikuluan xedatutakoarekin bat etorritik.

18.- EUSKARA

Enpresa esleipendunak udalaren hizkuntz jarduera arautzeko planen arabera jokatu du.

Enpresa esleipendunak zerbitzua ematerakoan herritarren esku jartzen dituen agiri, txartel, ohar eta gainerako idatziak euskara hutsez emango ditu ezagutzera. Salbuespen modura, ele biz argitaratu ahal izango da; betiere, euskara lehenetsita eta udalak alde aurretik adostasuna emanda.

Enpresa esleipendunak udalarekin dituen ahozko eta idatzizko harremanak euskaraz izango ditu.

Hizkuntz betebeharrak betetzen direla egiaztatzeko jarraipena egitea kontratazio organoari dagokio baina kontratazioa eragin duen udal lantzailearen ardura izango da, Euskara Zerbitzuarekin lankidetzan, beharrezkoa den informazioa kontratazio organoaren eskutan jartzea. Hizkuntz betebeharrak behin eta berriz urratzea nahiko arrazoi izango da kontratua amaiarazteko.

19.- KONTRATUA ALDATZEA

Sektore Publikoko Kontratuen urriaren 30eko 30/2007 Legearen 202. artikulua arabera, administrazio kontratu hau interes publikoko arrazoiengatik bakarrik aldatu ahal izango da, I. Liburuko V. Tituluan aurreikusitako modu eta kasuetan eta 195. artikuluan araututako prozeduraren arabera.

Kasu horietan, kontratazio-organismoak erabakitako aldaketak nahitaezkoak izango dira kontratistarentzat.

20.- ZERBITZUA HARTZEA ETA BERME-EPEA

Zerbitzua eman ondoren zerbitzuaren harrera egingo da ekintza formal eta positibo bidez.

Gainera, bi hilabeteko berme-epea egongo da, harrera formalaren egunetik hasita zenbait beharrezkoa, Sektore Publikoko Kontratuen Legean eta Herri Administrazioen Kontratuei buruzko Legearen Araudi Orokorrean adierazitako ondorioetarako.

Berme-epe horretan egiten diren lan edo zerbitzuetan akatsak agertzen badira, esleipenduna izango da erantzulea.

Ustiapena bukatu ondoren, Gipuzkoako Foru Aldundiko Mendiak eta Habitatak Kudeatzeko Zerbitzuaren oniritzia beharko da bermea itzultzeko.

21.- KONTRATUA AMAITZEKO ARRAZOIAK

Kontratua amaitzeko arrazoiak SPKLaren 206 eta 284 artikuluetan aurreikusitakoak dira.

Administrazioak kontratua amaitutzat jo dezake plegu honetan edo kontratu dokumentutan derrigorrezkotzat ezarritako betebeharrak kontratistak ez betetzeagatik.

Bereziki kontratua amaitutzat jotzeko arrazoiak dira, nahiz eta zerrenda itxia ez izan:

- a) Kontratatik kontratua aldatzea suposatzen duten jokabideak burutzea Administrazioak aldeztatik baimena eman gabe.
- b) Isiltasuna mantentzeko betebeharra ez betetzea.
- c) Kontratua burutzeko eskaintako baliabideak nabarmen falta direnean.
- d) Eskaintzan adierazitako pertsona fisiko edo juridikoak ez direnak erabiltzea lanak burutzeko, Administrazioak aldeztatik berariazko baimena eman gabe.
- e) Enpresa binkulatuen kasuan hura osatzen dutenen zerrenda faltsua edo osogabea adieraztea.
- f) SPKLaren 210 eta 211 artikuluetako baldintzak urratzea, subkontratazio araubideari buruz.
- g) Kontratua burutzeko izendatutako pertsonala aldatzea Administrazioak baimena eman gabe.

22.- KONTRAESAN KASUAK

Xedapen ekonomiko-administratiboaren inguruan, baldintza teknikoaren plegu eta klausula administratibo berezien plegua osatze duten dokumentuen artean kontraesanik balego, plegu honetan ezarritako klausulak izango dira nagusi.

23.- ADMINISTRAZIOAREN ESKUBIDEAK

Administrazioari dagokio kontratua interpretatzea, kontratuan sor daitezkeen zalantzak ebaztea, herri-onurako arrazoiengatik kontratua aldatzea, kontratuari amaiera ematea eta amaiera horren ondorioak zehaztea, Sektore Publikoko Kontratuen Legean eta Herri Administrazioen Kontratuari buruzko Legearen Araudi Orokorrean ezarritako muga, baldintza eta ondorioei eutsiz.

24.- DATU PERTSONALEN BABESA

Kontratazio honen bitartez datu pertsonalak eskuratzen badira, kontratatzaileak SPKLaren Hogeita Hamaikagarren Xedapen Gehigarrian adierazitakoak bete beharko ditu, Datuen Babeserako abenduaren 13ko 15/1999 Lege Organikoan eta hori garatzen duten arauetan xedatutakoak biltzen baitira bertan.

25.- JURISDIKZIO ESKUDUNA

Kontratazio aplikatzerakoan eta interpretatzerakoan, exekutatzerakoan, aldatzerakoan, betetzerakoan edo amaitzerakoan sortutako zalantzak kontratazio organoak erabakiko ditu, eta erabaki hauek berehala exekutatu dira.

Kontratuaren ondorioz sor daitezkeen desadostasunez arduratzeko eskumena duen jurisdikzioa kontentzioso-administratiboa da.



Bide administratiboari amaiera ematen dioten erabakien aurka, Administrazioarekiko Auzitarako Jurisdikzioa arautzen duen Legean ezarritakoarekin bat etorritz, administrazioarekiko auzi-helegitea aurkeztu ahal izango da. Hala ere, interesatuek Administrazio Prozedura Erkidearen eta Herri Administrazioen Araubide Juridikoaren azaroaren 26ko 30/1992 Legeko 116. eta 117. artikuluetan aurreikusitako berraztertze hautazko helegitea aurkeztu ahal izango dute.

Oiartzunen, 2011ko irailaren 30ean

I. ERANSKINA

DIRU-PROPOSAMENAREN EREDUA

..... jna./ and., N.A.N.....
zenbakiduna, helbidea.....,nire izenean /
.....-ren izenean, helbide soziala
IFK

ADIERAZTEN DUT

1) **Oiartzungo Udalaren “KAUSUA” izeneko 2.063.2 zk. herri onurako mendiko 11. eta 15. unadetan egurra erabateko ustiaketa bitartez mozteko**, akordiozko prozedura bidez kontratatzeko proposamen ekonomiko irmoa aurkezten dudala.

2) Hitz ematen dut kontratua honako prezio honetan burutuko dudala: €, gehi..... € Balio Erantsiaren gaineko Zerga (BEZ). %..... da BEZ portzentaia. Prezioaren barruan gai guztiak sartzen dira: zergak, gastuak eta zergen arloko edozein tasa edo ariel, bai eta esleipendunaren industri onura ere.

3) Arau teknikoen agiria, administrazio-baldintza zehatzen agiria eta kontratu hau arautu behar duten gainontzeko agiriak ezagutzen ditut. Horiek horrela, neure gain hartu eta ontzat hartzen ditut oso-osorik.

4) Ordezkatzen dudan enpresak, ireki, instalatu eta jarduteko indarrean dagoen araudiak eskatzen dituen baldintza guztiak betetzen ditu.

....., 2011koaren(a)

Sinadura